

QVE LOS EXEQVDORS

NO SIAN TORBATS EN LLVRS OFFICIS,

Del Llibre den Sant Pere

Cart. 118.



ETRVS DEI GRATIA REX ARAGONVM,
Valentia, Majoricarum, Sardinia, & Corsica,
Comesque Barchinonæ, Rossilionis, & Çerita-
niæ. Nobili, & dilecto Consiliario nostro Olfo
de Proxida militi Gerenti vices Gubernatoris in
Regno Majoricarum, seu alij qui pro tempore
dicto preerit officio salutem, & dilectionem
sich in humili supplicatione nobis reverenter exhibita per Nun-
tios ad nos missos noviter per Vniversitatem Civitatis, & Regni
Majoricarum continentem vidimus aliqui ex emptoribus imposi-
tionum Nuntios Vniversitatis ejusdem plerumque convenerunt, &
convenient coram Vicario Civitatis ipsius prætendentes quod Ca-
pitula continentia emptionem per eos factam de dictis impositi-
onibus eis non servabatur sic in emptione ipsa actum fuerat, &
conventum, & super hijs fecerunt, & faciunt Syndicos prædictos
sepius litigare ad finem vt Juratos Civitatis ipsius inducant ad re-
mittendum eisdem emptoribus aliquid de prætio impositionum
prædictarum, quod in dampnum ipsius Vniversitatis comititur re-
dundare vnde cum ex ordinatione Regia, & ex consuetudine diu-
est observata, executores Domus jurariae Dictæ Civitatis cognos-
cant de quibusvis questionibus, quæ dependent, tam ex debitori-
bus obligatis qualitercumque Domui jurariae prædictæ ratione eo-
rum in quibus domui ipsi tenetur, quam ex emptoribus adjutarum,
& impositionum dictæ Vniversitatis ratione ipsarum adjutarum,
& impositionum, & propterea supplicarunt nobis super hijs eis, de-
bitè provideri. Id circo nos supplicatione ipsa suscepta benignè
vobis dicimus, & mandamus de certa scientia, & expressè qua-
tenus ordinatione, & consuetudine supradictis juxta earum theno-
rem, & seriem faciatis inconcussè, & inviolabiliter observari, & sich

A

execu-

208

MFF

executores prædicti de eisdem omnibus cognoscere valeant, si,
& pro vt est fieri assuetum Datum Dertuse decima die Aprilis
anno á Nativitate Domini millesimo, trecentesimo, septuagesimo
primo. G. de Palou. REX PETRVS.

DEL LLOCH ASSIGNAT PER EXERCICI, LO OFFICI DE
Exequudor.

NOS Petrus Dei gracia, Rex Aragonum, Valentia, Majorica-
rum, Sardinia, & Corsica, Comesq; Barchinonæ, Rossilio-
nis, & Ceritania. Quia fidelis scriptor noster Matheus Vallfogoni in
nostra existens presentia, quod pro parte dilectorum, & fidelium
nostrorum Iuratorum Majoricarum nobis humiliter supplicavit,
vt cum executores debitorum Vniuersitatis dicti Regni locum non
habeant competentem, in quo valeant eorum officium exercere
dignaremur ex benignitate solita aliquem sufficientem locum in
Platea Sancti Andrea Civitatis ad exercendum dictum officium
deputare, & nos eius supplicationi tanquam iuri, & rationi con-
sonæ benignus inclinati locum, sive stanum contiguum, & affixum
parieti, situmque in dicta platea inter portale Domus Hospitalis
Sancti Andrea, & portale Carceris Regij Civitatis iamdictæ, in
quo Ioannes Omar Notarius suum tenere Scriptorium consuevit
prædictis Executoribus vt ibi sedere, & morari ac jus reddere gen-
tibus, & ab eorum plenè valeant exercere officium donec alium
in dicta platea sufficientiorem locum habuerint præsentium serie
ducimus de certa scientia assignandum mandantes Gubernatori, ali-
jsque officialibus nostris dicti Regni quatenus huiusmodi provi-
sionem nostram exequutioni ducat visis præsentibus cum effectu,
eamque observent, & faciant ab alijs inviolabiliter observari, in
cujus rei testimonium præsentem fieri, & nostro sigillo apenditio
iussimus comuni. Datt. Cesaraugustæ duodecima die Novem-
bris Anno á Nativitate Domini millesimo trecentesimo octuages-
simo primo Regnique nostri quadragesimo sexto. Rps. Osceñ.

DE EXECVTORE.

NOS Ioannes Dei gratia Rex Aragonum, Valentia, Majori-
carum, Sardinia, & Corsica, Comesque Barchinonæ, Rossi-
lionis,

lionis, & Ceritanæ vestri dilectorum, & fidelium nostrorum Iuratorum, & proborum hominum ac Vniuersitatis Civitatis, & Regni Majoricarum quos ad succurrendum nostris necessitatibus satis promptos huc vsque reperimus opportunitatibus, locum dantes. Tenore presentibus supplicantibus inde, nobis humiliter fidelibus nostris Otticio de Sancto Martino Domicello Iacobo Aymerici Civé, & Iacobo Arbona loci Sullaris Insulæ Majoricarum Nuntiis vestris nunch in Curia Nostra presentibus volumus, & ordinamus, ac providemus vobis dictis Iuratis, & probis hominibus, ac Vniuersitati concedimus, quod de cætero Executor Domus Iurariæ Majoricarum, qui nunch est, & pro tempore fuerit Nostræ, vel Gubernatoris aut cuiusvis alterius officialis Majoricarum, non petitalicentia, nec obtenta possit licite, & impune à modo ex facultate plenaria, quam sibi cum presenti conferimus omnes ordinationes, & capitula per vos dictos Iuratos, & Consilium Majoricarum facta, fienda super quibusvis actibus, seu negotijs, quorum iuredictio, cognitio, & executio dicto Executori, & ejus officio pertineant, seu spectent voce præconis per loca solita, cum quando, & quotiens voluerit, & sibi expediens videbitur facere publicari esto quod aliter præconizationes prædictas fieri facere non consuerint temporibus retro lapsis. Mandantes per eandem expressè, & de certa scientia Gubernatori, Vicariis, Barchinis, & alijs officialibus Nostris, ac præconibus publicis dictorum Civitatis presentibus, & futuris ad quos spectet eorumque Locatenentibus sub Nostræ iræ, & indignationis incursu, ac pena mille florenorum auri Nostræ erario irremissibiliter applicandorum quatenus concessionem Nostram hujusmodi firmiter teneant, & observent, dictumque Executorem ea vti liberè permittatur præcones super faciendis dictis præconizationibus sibi pareant, & non contraveniant quavis causa. In cujus rei testimonium hanc fieri, & Sigillo Nostræ pendentis iussimus communiri. Datt. Barchinonæ vicesima sexta die Ianuarij Anno à Nativitate Domini millesimo, trecentesimo, nonagesimo quinto Regniq[ue] nostri nono. vii. Seperend.

REX IOANNES.

IDEM DE EXECVTORÈ,

22

Martinus.

11100 /

MARTINVS Dei gratia Rex Aragonum, Valentia, Majori-
carum, Sardinia, Corsica, Comesq; Barchinonae, Rossilionis,
& Ceritaniae, fidei nostro cuiusque. Executori debitorum do-
mus Iuraria Majoricarum praesenti, & qui pro tempore fuerit. Sa-
lutem, & gratiam ad humilem supplicationem pro parte Univer-
sitis, & Regni Majoricarum probis hominibus nobis factam vo-
bis dicimus, committimus, & mandamus de certa scientia, & ex-
presse quatenus modo, & forma quibus & pro ut cognocitis, &
estis Iudex de emptoribus adjutarum, & impositionum ac alio-
rum jurium Universitatis praedictae cognoscatis, & sitis Iudex de
omnibus, & singulis contractibus, qui interfuerint, & fuerint in-
ter dictos emptores ex parte vna, & fideiussores socios parsoner-
ios eorum in praedictis ex altera posito, quod dicti fideiussores
socij, & parsonerij de & praedictis obligati non fuerint Univer-
sitati praedictae. Nam hac de causa lites cessabunt, & brevius dictae
satisfiet, & Universitati in praetijis dictarum impositionum, & ali-
orum jurium praedictorum. Nos enim vobis, in & super praedic-
tis omnibus, & singulis, & ea quovis modo tangentibus vices
nostras comitimus plenarias cum praesenti perquam praecipimus
Gubernatori Regni, Bajulo, Vicario, Civitatis Majoricarum, &
alijs officialibus Regijs dicti Regni ad quos spectet praesentibus,
& futuris vel locatenentibus eorundem quatenus provisionem
nostram hujusmodi teneant firmiter, & observent, & faciant ab
alijs inviolabiliter observari, & non contrafaciant vel veniant ali-
qua ratione vel causa. Nec minus dicti Vicarius, & officiales,
processus, & questiones nunc coram eis, ac de causa venden-
tis vobis in continenti remittant vel remitti faciant alio mandato a
nobis super hijs minimé petito, seu expectato. Quoniam nos ip-
sis Vicario, & officialibus nostris cognoscendi de cetero de pra-
dictis omnem tollimus potestatem serie cum eadem. Provisionem
vero hujusmodi valere volumus, & tenere dum nobis placuerit,
& non ultra Datum Cesaraugusta xij. die Augusti Anno a Na-
tivilitate Domini millesimo CCCXC nono. Mathias Vic.